

五邊典則

顧廷龍署



五邊典則

周禮卷之四

五邊典則卷之十二

信安徐日父子卿父集

勾餘施邦曜爾韜

閩漳張 熒紹和父

成化五年正月總督陝西都御史項忠等奏
固原地方延袤千里水草豐茂畜牧蕃多內
爲土達巢穴之所外爲北虜出沒之場守城
惟一千戶所軍少勢孤是以滿四陸梁捍禦
無策州北有西安廢城相距三百餘里虜每
入寇由此長驅宜於本州添立一衛又於西

中央民族
陳國書

安廢城創立一所以扼要衝陝西州縣今清
出湖廣逃軍三千人寄操西安等衛乞以一
千立爲新所而以二千增益固原所軍通爲
三千以屬於衛操守又守備固原指揮同知
馮傑與平涼等衛僚屬職位相埒威令不行
陝西都指揮僉事樊盛才力可用以聯姻秦
府帶俸閒居然隔遠府第三百里之外者例
所不拘今固原去府不啻千里乞令往代馮
傑守備事下兵部議如其言從之

閏二月巡按陝西御史江孟綸奏岷州番寇
抄掠縱橫村堡空虛軍民荼毒頃令岷州衛
指揮后叅與其第通於今年正月間深入夷
寨開諭再三其生番恐藏占藏劄工三十餘
簇番酋一百六十餘人熟番栗林等一十四
簇番酋九十一人轉相告語悔過來歸歸我
被虜人財承當應辦糧役宰牛設誓不敢再
犯已令副使李岷從宜賞勞諭以

朝廷恩威皆歡躍而去中惟熟番祿圍一簇罪

逆深重不服招安兵部因言番性無恒朝從
夕叛未可輕信以弛防禦宜行令巡守邊臣
向化者加意撫綏犯順者刻期招捕議上報
可

五月甘肅總兵蔣琬奏有男子自虜中走還
云有瓦剌虜酋拜亦撒哈率衆四百人皆披
甲至哈密城中屯聚令哈密人奉使入貢私
覘虛實約寇赤斤肅州先是琬等又言亂加
恩蘭率四萬騎至把思闊屯駐其拜亦撒哈

及努溫答失力之人俱已服屬欲令二酋抄掠沙肅諸州兵部言凡加思蘭縱橫諸番中實西北勁敵近年踪跡無聞今一旦傳報糾合醜類屯駐邊境哈密瓦剌二部旣聽指揮蜂蠆之毒必逞於我不可不爲之防

上勅鎮守總兵巡撫等官飭兵防禦

六月巡撫陝西都御史馬文升奏岷洮二州密邇番族寇入之路頗多而寨隘空闊難於防禦其屯住軍民亦各散亂寇輒乘夜剽掠

武自畫於僻地邀劫行旅岷洮二衛官旗坐
見大機左降殆盡然情實可矜今隣住多那
諸族雖已聽撫然夷性叵測不可不防請於
緣邊番寇出沒之地修築寨隘及軍民屯堡
有警互相應援併力邀擊則守禦有方而官
軍可安

詔從之凡新修寨堡五十餘所

十一月虜復寇延綏副都御史王銳等奏延
綏東接山西偏頭關西連寧夏花馬池沙漠

二千餘里無險可守所立營堡二十餘處地勢隔絕軍力寡弱欲乞濟師兵部言虜往在河套深入腹裏沿邊被其荼毒今又入河套其勢可慮非大挫其鋒則邊患何時可息宜勅都御史王越總制兩遊擊之兵相機勦之詔可

十二月鎮守寧夏太監王清奏欲撤回應援延綏兵不許先是

勅寧夏選兵三千赴花馬池并防禦延綏至是

清奏虜欲入寇而降人猛奇報虜七千駐百
眼井乞追還前軍守禦兵部言延綏散漫虜
易出沒寧夏前有黃河限阻後有賀蘭山隔
絕况見兵三萬餘自是守禦而花馬池與延
綏接壤選調前軍非獨爲延綏應援亦爲寧
夏保障也勿許所請從之

六年正月兵部尚書白圭言虜寇自去冬乘
冰渡河深入寇抄比復傳聞欲潛入居河套
介道南侵萬一冰泮不去邊臣請兵其高家

堡花馬池等處芻料俱缺宜令戶部措置給
馬二萬支費半年以上芻料運赴邊城以備
匱乏又竊計虜自入寇以來未嘗少挫意氣
驕盈彼或渡河東歸乘其不備出師邀擊亦
一計也乞

勅大同鎮守總兵等官彰武伯楊信等簡兵命
將或躬率以往應機行事仍

諭京營總兵官撫寧侯朱永等嚴飭團營兵以
防調遣協助

上嘉納之

巡按陝西御史鄭巳奏臨鞏甘涼一帶人民
艱苦兵士單弱今日急務莫先裕民而強兵
蓋今州縣之民大率去者踰半其所遺稅糧
累及見在代納加以催科轉輸之煩卒有不
給則去者未還而在者又將去矣宜覈實佃
田人戶俾見在者出本等之糧逃徙者豁所
遺之稅庶居民日將康裕流民必自來歸又
今日邊鎮之兵大率弱者居半而所支衣糧

多與強壯之卒同夫以強弱均施人心已自
不平加之屯田則步卒在野牧放則騎兵在
塲卒遇有警臣知弱者無足用而強者亦不
及用矣宜辨其年力俾壯者一於操守而優
以衣食弱者一於耕牧而供其糧草庶壯者
備緩急之用弱者免浮浪之費雖然裕民之
責在守令而擇守令在吏部強兵之責在將
帥而舉將帥在兵部使二部之長皆賢則所
選皆得其人矣此今日之急務也疏入

上曰臨鞏甘涼軍民艱難旣甚就令鄕已用心
處置務使得所其實以聞餘令所司知之

二月延綏總兵房能等奏邇者河水將解虜
寇未退聞欲潛據河套度夏擾我耕農况延
綏境土平行無險可據堡多兵少防禦實難
請留都御史王越所統大同宣府等官軍及
徵補西安等衛操戍之逃亡者更

命鎮守陝西都督白玉選精兵數千應援事下
兵部言王越軍已移文留之西安等衛逃亡

軍士計有八萬餘人摘守蘭縣靖虜延慶者
亦萬五千餘人地邇延綏易於調遣宜令巡
撫都御史馬文升等量於此數處選摘精兵
萬人令都督白玉叅將周海統之分布延綏
要害協助戰守待寇寧之日取回從之

三月兵部奏迤北虜酋阿羅出誘朵顏三衛
自去冬乘冰渡河寇掠延慶等處今雖東歸
而阿羅出人馬尚在河套潛住聞虜中來降
達子言阿羅出料衆欲來搶掠有開原王者

五通典則 卷十三
本是漢人欲來投順互相猜忌緣此虜與開
原王幹失帖木兒素爲讎隙今潛伏河套外
懼仇敵恃黃河以爲險阻內懷寇竊藉河套
以爲巢穴又糾集孛羅乃王窮寇相爲聲勢
正門庭之寇若非大挫必不輕退當此之時
或爲戰攻之策乘其敝而擊之或行間諜之
計因其疑而離之否則分兵拒守以遏其侵
犯請令廷臣集議可行者并

簡命總督總兵文武大臣爲戰守之計從之

四月巡撫牛肅都御史徐廷章言七事一其肅古浪守禦千戶所城俱在半山中墻垣低薄不時坍塌且山水險惡難爲保障宜移於東北平坦之地仍將舊城作古浪關按月差官守把盤詰姦細一陝西行都司所屬衛所官俸鈔俱於陝西各府食鹽鈔內支給以路遠支給不時或四五年或八九年甚有終身不得支者乞將各官俸鈔改折布政司庫銀行令按季造冊赴司領回衛所給散每銀一